

ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

«12» մարտի 2021 թվական

N 216-Ն

ք.Ստեփանակերտ

ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2020 ԹՎԱԿԱՆԻ ԱՊՐԻԼԻ 28-Ի N 315-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԵՎ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 37-րդ հոդվածը Արցախի Հանրապետության կառավարությունը **որոշում է.**

1. Արցախի Հանրապետության կառավարության 2020 թվականի ապրիլի 28-ի «Արցախի Հանրապետությունում ձեռքբերվելիք տոհմային կենդանիների արժեքի մասնակի սուբսիդավորման կարգը հաստատելու և Լեռնային Ղարաբաղի Հանրապետության կառավարության 2014 թվականի դեկտեմբերի 30-ի N 966-Ն, Լեռնային Ղարաբաղի Հանրապետության կառավարության 2016 թվականի հունիսի 23-ի N 331-Ն, Արցախի Հանրապետության կառավարության 2017 թվականի հոկտեմբերի 10-ի N 38-Ն որոշումներն ուժը կորցրած ճանաչելու մասին» N 315-Ն որոշման (այսուհետ՝ որոշում) մեջ կատարել հետևյալ փոփոխությունը և լրացումը՝

1) որոշմամբ հաստատված հավելվածը շարադրել նոր խմբագրությամբ՝ համաձայն հավելվածի.

2) որոշման 2-րդ կետի «գյուղատնտեսության» բառից առաջ լրացնել «էկոնոմիկայի և» բառերը:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

«Հաստատում եմ»

ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ

Ա. ՀԱՐՈՒԹՅՈՒՆՅԱՆ

Հավելված
Արցախի Հանրապետության կառավարության
2021 թվականի _____-ի
N _____ -Ն որոշման

«Հավելված
Արցախի Հանրապետության կառավարության
2020 թվականի ապրիլի 28-ի
N 315-Ն որոշման

Կ Ա Ր Գ

ԱՐՑԱՒԻ ՀԱՆՐԱՊԵՏՈՒԹՅՈՒՆՈՒՄ ԶԵՌՔԲԵՐՎԵԼԻՔ ՏՈՀՄԱՅԻՆ ԿԵՆԴԱՆԻՆԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են տեղական նախրի բարելավման և մթերատվության բարձրացման նպատակով Արցախի Հանրապետությունում ձեռքբերվելիք տոհմային ցուլերի, տոհմային կովերի, տոհմային հորթերի, տոհմային մատղաշների և տոհմային երինջների (միասին այսուհետ՝ տոհմային կենդանի) արժեքի մասնակի սուբսիդավորմանն ուղղված միջոցառումների (այսուհետ՝ միջոցառում) իրականացման հետ կապված հարաբերությունները:

2. Սույն կարգում օգտագործվող հիմնական հասկացություններն են՝

1) **հայտապրու՝** տոհմային կենդանի ձեռք բերելու նպատակով համայնքը սպասարկող անասնաբույժներին դիմած ֆիզիկական կամ իրավաբանական անձ, անհատ ձեռնարկատեր.

2) **տոհմային ցուլ՝** փաստաթղթով ծագումը վավերացված, բոնիտավորման արդյունքում վերարտադրության համար պիտանի և սահմանված կարգով գրանցված խոշոր եղջերավոր կենդանիների ջերսեյ, ֆլեկվի, շվից և այլ ցեղատեսակների բարձրարժեք արու առանձնյակ, ընդ որում ջերսեյ ցեղատեսակինը՝ ոչ պակաս, քան 230 կիլոգրամ, ֆլեկվի, շվից և այլ ցեղատեսակներինը՝ ոչ պակաս, քան 280 կիլոգրամ կենդանի քաշով.

3) **տոհմային կովեր՝** բոնիտավորման արդյունքում 100 բալային սանդղակով 64 և ցածր բալ ստացած, պարտադիր հղի (3-5 ամսական հղիություն՝ ստուգված լաբորատոր հետազոտությամբ), 3-8 տարեկան ջերսեյ, ֆլեկվի, շվից և այլ ցեղատեսակների կովերը, որոնք մթերատու հատկություններով գերազանցում են տեղական կովերին.

4) **տոհմային երինջ**՝ սահմանված կարգով գրանցված խոշոր եղջերավոր կենդանիների ջերսեյ, ֆլեկվի, շվից և այլ ցեղատեսակներին պատկանող տավարի ընդհանրապես չծննդաբերած հղի (3-5 ամսական հղիություն՝ ստուգված լաբորատոր հետազոտությամբ) էգ առանձնյակ:

5) **տոհմային հորթ**՝ սահմանված կարգով գրանցված խոշոր եղջերավոր կենդանիների ջերսեյ, ֆլեկվի, շվից և այլ ցեղատեսակների կովերից ստացված մաքրացել էգ և արու առանձնյակներ՝ մեկից հինգ ամսական:

6) **տոհմային մատրիաշ**՝ կաթնային կերակրման շրջանը վերջացրած հինգ ամսականից բարձր տարիքի խոշոր եղջերավոր կենդանիների ջերսեյ, ֆլեկվի, շվից և այլ ցեղատեսակների էգ և արու առանձնյակներ:

7) **տոհմային կենդանու արժեք**՝ տոհմային կենդանու կենդանի քաշի 97 տոկոսը (3 տոկոսը չի հաշվարկվում՝ հաշվի առնելով կենդանու աղեստամոքսային ուղու պարունակությունը) բազմապատկած շուկայական գնով:

8) **տոհմային կենդանու արժեքի մասնակի սուբսիդավորում**՝ տոհմային կենդանիների արժեքի մասնակի փոխհատուցում:

9) **փակ պահվածք**՝ անասնապահական մթերքների արտադրության շահավետ կազմակերպման, արտադրության ծավալի ավելացման, կենդանիների մթերատվության բարձրացման, նրանց անկորուստ վերարտադրությունն ապահովելու նպատակով խոշոր եղջերավոր կենդանին ամբողջ տարվա ընթացքում անասնաշենքերում և կից մեկուսացված տարածքում պահելը՝ բացառելով կենդանու տեղափոխումը հեռավոր արոտներ, բացառությամբ աբերդին անգուս և հոլովեյ ցեղատեսակներին պատկանող տոհմային կենդանիների:

2. ՍՈՒԲՍԻԴԱՎՈՐՄԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ

3. Արցախի Հանրապետության էկոնոմիկայի և գյուղատնտեսության նախարարությունը (այսուհետ՝ նախարարություն) համակարգում և վերահսկողություն է իրականացնում միջոցառման իրականացման գործընթացի նկատմամբ:

4. Հայտատուները նախարարության կողմից սահմանված ժամկետում տվյալ համայնքը սպասարկող անասնաբույժներին են ներկայացնում հայտ՝ համաձայն N 1 ձևի՝ նշելով գործունեության իրականացման վայրի, պայմանների ու տոհմային կենդանիների պահանջարկի մասին տեղեկությունները:

5. Արցախի Հանրապետության անասնաբուժական սպասարկման կայանները (այսուհետ՝ կայաններ), համայնքային անասնաբույժների ներկայացրած հայտերի հիման վրա նախարարություն են ներկայացնում տեղեկություններ՝ համաձայն N 2 ձևի:

6. Արցախի Հանրապետությունում տոհմային կենդանիների անասնաբուժություն իրականացնող ընկերությունները յուրաքանչյուր եռամսյակ, մինչև տվյալ եռամսյակին հաջորդող ամսվա 10-ը նախարարություն են ներկայացնում սույն կարգի պահանջները

բավարարող իրացման ենթակա տոհմային կենդանիների մասին տեղեկություններ՝ համաձայն N 3 ձևի:

7. Մասնակի սուբսիդավորման ենթակա է ձեռքբերվելիք տոհմային կենդանու արժեքի 50 տոկոսը, մնացած 50 տոկոսը հայտատուն վճարում է միանվագ Արցախի Հանրապետության գյուղի և գյուղատնտեսության աջակցության հիմնադրամին՝ (այսուհետ՝ հիմնադրամ) առուվաճառքի պայմանագրերը կնքելու պահին:

8. Տոհմային կենդանիների պահվածքը հայտատուների կողմից պետք է իրականացվի հետևյալ պայմաններով՝

1) տոհմային ցուլը երեք տարի փակ պահվածքով պահելու (բացառությամբ աբերդին անգուս և հոլովեյ ցեղատեսակներին պատկանող տոհմային ցուլերի)։

2) տոհմային կովը երկու տարի փակ պահվածքով պահելու (բացառությամբ աբերդին անգուս և հոլովեյ ցեղատեսակներին պատկանող տոհմային կովերի) և սերունդ ստանալու։

3) տոհմային հորթ, տոհմային մատղաշ և (կամ) տոհմային երինջ ձեռք բերելու դեպքում՝ երեք տարի փակ պահվածքով պահելու (բացառությամբ աբերդին անգուս և հոլովեյ ցեղատեսակներին պատկանող տոհմային հորթերի, մատղաշների, երինջների):

9. Նախարարությունը, սույն կարգի 5-րդ կետում նշված տեղեկությունները ստանալուց հետո տասնօրյա ժամկետում ընդհանրացնում և դրանց հիման վրա հիմնադրամ է ներկայացնում տեղեկություններ՝ տոհմային կենդանիների ձեռքբերման պահանջարկի մասին:

10. Տոհմային կենդանուն սույն կարգի 8-րդ կետում նշված ժամկետներում փակ պահվածքով չպահելու, տոհմային կովի դեպքում նաև սերունդ չստանալու կամ անփույթ պահելու հետևանքով տոհմային կենդանու անկման դեպքում հայտատուների կողմից տոհմային կենդանու արժեքի սուբսիդավորված մասը ենթակա է վերադարձման պետական բյուջե՝ երեք ամսվա ընթացքում: Փակ պահվածքի դրույթը չի տարածվում աբերդին անգուս և հոլովեյ ցեղատեսակներին պատկանող տոհմային կենդանիների վրա: Տոհմային կենդանու հարկադիր սպանողը կամ հիվանդության պատճառով խոտանումը պետք է հիմնավորված լինի համայնքը սպասարկող անասնաբույժի ակտով: Տոհմային կենդանու անկումից և (կամ) սանիտարական սպանդից, կամ օտարումից հետո ոչ ուշ, քան 12 ժամվա ընթացքում հայտատուն տեղեկացնում է համայնքը սպասարկող անասնաբույժին, վերջինս էլ 24 ժամվա ընթացքում տվյալ շրջանի անասնաբուժական սպասարկման կայանին, որն էլ 48 ժամվա ընթացքում նախարարություն է ներկայացնում տեղեկատվություն՝ դրան կցելով համայնքը սպասարկող անասնաբույժի կողմից տրվող տեղեկանքը մինչև անկումն իրականացված բուժկանխարգելիչ միջոցառումների և ակտ ու այլ անհրաժեշտ փաստաթղթեր՝ տոհմային կենդանու անկման և (կամ) սանիտարական սպանդի կամ օտարման վերաբերյալ:

11. Սույն կարգի շրջանակներում հայտատուներին տոհմային ցուլերը տրամադրվում են 10 գլուխ կովին և (կամ) երինջին 1 գլուխ տոհմային ցուլ հարաբերակցությամբ, իսկ

տոհմային արու հորթերը և (կամ) արու մատղաշները՝ 10 գլուխ կովին և (կամ) երինջին և (կամ) էգ հորթին և (կամ) էգ մատղաշին 3 գլուխ տոհմային արու հորթ և (կամ) արու մատղաշ հարաբերակցությամբ:

12. Հիմնադրամը՝

1) Արցախի Հանրապետությունում տոհմային կենդանիների անասնաբուծություն իրականացնող ընկերությունների հետ կնքում է տոհմային կենդանիների ձեռքբերման պայմանագրեր.

2) հիմք ընդունելով սույն կարգի 9-րդ կետում նշված տեղեկությունները՝ հայտատուների հետ կնքում է տոհմային կենդանիների ձեռքբերման համար սուբսիդավորման պայմանագրեր՝ նախատեսելով սույն կարգի 8-րդ կետից բխող պայմանների կատարումը սահմանող դրույթներ.

3) յուրաքանչյուր խմբաքանակի տրամադրումից հետո, տասնօրյա ժամկետում նախարարություն է ներկայացնում տեղեկություններ տոհմային կենդանիների ձեռքբերման և սուբսիդավորման ուղղությամբ կատարած աշխատանքների մասին:

13. Նախարարությունը՝ հիմք ընդունելով սույն կարգի 12-րդ կետի 3-րդ ենթակետում նշված տեղեկությունները, իրականացնում է սույն կարգի 7-րդ կետում նշված սուբսիդավորումը՝ հիմնադրամին տրամադրելով անհրաժեշտ ֆինանսական միջոցներ՝ յուրաքանչյուր տարվա պետական բյուջեում նախատեսված համապատասխան միջոցներից:

14. Գործունեության իրականացման վայրի փոփոխության դեպքում հայտատուները պարտավոր են գրավոր տեղեկացնել համայնքը սպասարկող անասնաբույժներին, իսկ համայնքը սպասարկող անասնաբույժները՝ կայաններին:

15. Կայանները՝ յուրաքանչյուր ամիս, մինչև տվյալ ամսվան հաջորդող ամսվա տասը, նախարարություն են ներկայացնում տեղեկություններ՝ անասնաբուծության զարգացման և մթերատվության բարձրացման նպատակով տրամադրված տոհմային կենդանիների և ստացված խառնածինների մասին՝ համաձայն N 4 ձևի:

3. ՄՇՏԱԴԻՏԱՐԿՈՒՄԸ

16. Սույն կարգի շրջանակներում մշտադիտարկումն իրականացվում է նախարարության և հիմնադրամի կողմից:

17. Սույն կարգի շրջանակներում տոհմային կենդանիների ձեռքբերման հայտերի ամփոփման արդյունքում նախարարությունում ձևավորվում է վիճակագրական տվյալների բազա, որը ներառում է ծրագրի իրականացման հետ կապված տեղեկատվությունը, արձանագրված խնդիրները և իրագործման դժվարությունները:

18. Հիմնադրամի կողմից սույն կարգի շրջանակներում մշտադիտարկումն իրականացվում է համաձայն վերջինիս իրավական ակտերի (ընթացակարգերի), ընդ որում, առաջին մշտադիտարկումն իրականացվում է սուբսիդավորումը տրամադրելուց հետո երկու ամսվա ընթացքում, այնուհետև կիսամյակը մեկ անգամ:

19. Նախարարության և հիմնադրամի կողմից իրականացված մշտադիտարկման արդյունքում հայտատուի կողմից սույն կարգի 8-րդ կետի պահանջների չիրագործման կամ ներկայացված կեղծ տեղեկատվության ի հայտ գալու դեպքում, տոհմային կենդանիների արժեքի սուբսիդավորված մասը ենթակա է վերադարձման պետական բյուջե՝ խախտումը հայտնաբերելուց երեք ամսվա ընթացքում:

20. Հիմնադրամը յուրաքանչյուր կիսամյակի ավարտից հետո, մինչև տվյալ կիսամյակին հաջորդող ամսվա 20-ը նախարարություն է ներկայացնում հաշվետվություն:

21. Սույն կարգի 20-րդ կետում նշված հաշվետվությունը ներառում է մանրամասն տեղեկատվություն միջոցառման իրականացման գործընթացի մասին, այդ թվում՝

1) տեղեկատվություն (ըստ շրջանների և համայնքների) կնքված պայմանագրերի քանակի, գումարի, տոհմային կենդանիների արժեքի սուբսիդավորման գումարի մասին.

2) տեղեկատվություն հիմնադրամի կողմից իրականացված մշտադիտարկման արդյունքների և հայտնաբերված խախտումների մասին:

4. ՍՈՒԲՍԻԴԱՎՈՐՄԱՆ ԳՈՐԾԸՆԹԱՅԻ ԻՐԱԿԱՆԱՅՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

22. Արցախի Հանրապետությունում ձեռքբերվելիք տոհմային կենդանիների արժեքի մասնակի սուբսիդավորման գործընթացի իրականացումից ակնկալվող արդյունքներն են՝

1) կենդանիների մթերատվության մակարդակի բարձրացում.

2) բարելավված և տոհմային բարձր մթերատու հատկանիշներով օժտված տնտեսությունների ցանցի ձևավորում.

3) անասնաբուծության վարման ինտենսիվ տեխնոլոգիաների ներդրման հնարավորություն.

4) գյուղական վայրերում վերամշակման նոր ձեռնարկությունների ստեղծման համար նպաստավոր պայմանների ապահովում.

5) անասնաբուծության մասնագիտացման շնորհիվ բնական կերահանդակների առավել արդյունավետ օգտագործում.

6) գյուղական վայրերում նոր աշխատատեղերի ստեղծում.

7) անասնաբուծական մթերքների ինքնաբավության մակարդակի բարձրացում:

Հ Ա Յ Տ

Դիմող _____
(Ֆիզիկական կամ իրավաբանական անձ, անհատ ձեռնարկատեր)

Բնակության վայրը (գտնվելու վայրը)
հեռախոսահամարը _____

Անձնագրի և հանրային ծառայությունների համարանիշի կամ սոցալական քարտի համարը
(պետական գրանցման կամ հաշվառման
համարը) _____

Գործունեության իրականացման վայրը _____

Դիմում եմ Ձեզ Արցախի Հանրապետությունում ձեռքբերվելիք տոհմային կենդանիների
արժեքի մասնակի սուբսիդավորման կարգի համաձայն

(տոհմային ցույցի, տոհմային կովի, տոհմային հորթի (տոհմային մատղաշի, տոհմային երինջի) ցեղ և քանակ)

ձեռք բերելու նպատակով:

Հայտին կից ներկայացվում են՝

1. _____
2. _____
3. _____
4. _____
5. _____
6. _____

(անուն, ազգանուն (անվանում))

(ստորագրություն)

Կ.Տ.

« _____ » _____ 20__ թ.

ՏԵՂԵԿՈՒԹՅՈՒՆՆԵՐ

Արցախի Հանրապետության _____ շրջանում անասնաբուծության զարգացման և մթերապրվության բարձրացման նպատակով տոհմային կենդանի ձեռք բերելու համար դիմած հայրապրուների մասին

Հ/Հ	Հայտատուի Ա.Ա.Հ (անվանումը)	Գործունեության վայրը	Անձնագրային տվյալները (պետական գրանցման կամ հաշվառման համարը)	Հեռախոսահամարը	Տնօրինվող խոշոր եղջերավոր կենդանու քանակը (գլուխ)	Տնօրինվող կով, երինջ (գլուխ)	Անհրաժեշտ տոհմային կենդանու ցեղը	Անհրաժեշտ տոհմային կենդանիների գլխաքանակը, ըստ սեռահասակային կազմի						Ծանոթություն	
								Տոհմային ցուլ	Տոհմային կով	Արու և էգ հորթեր (1-5 ամսական)		Արու և էգ մատղաշ (5-24 ամսական)			Երինջներ (3-5 ամսական հղի)
										Արու	Էգ	Արու	Էգ		

Անասնաբուժական սպասարկման կայանի տնօրեն՝

Ա.Ա.Հ.
Կ.Տ.

ՏԵՂԵԿՈՒԹՅՈՒՆՆԵՐ

-ի կողմից

(Արցախի Հանրապետությունում տոհմային կենդանիների անասնաբուծություն իրականացնող ընկերության անվանումը)

իրացման ենթակա տոհմային կենդանիների վերաբերյալ

Հ/Հ	Տոհմային կենդանու համարը	Տոհմային կենդանու ցեղաբանական անունը	Տոհմային կովի տարիքը	Տոհմային կովի բունիտի քաղցր, 100 բալային սանդղակով	Տոհմային կովի սերմնավորման ամսաթիվ	Տոհմային կովի սպասվող ծնի ամսաթիվը	Տոհմային կենդանու սեռատարիքային փոփոխությունը (արու կամ էգ հորթ, արու կամ էգ մսավազ, երինջ)	Տոհմային կենդանու ծննդյան ամսաթիվը	Տոհմային կենդանու կենդանի քաշը (կգ)
1									
2									
3									
...									

Ընկերության տնօրեն

Կ.Տ.

(սև)

